

Universitätsbibliothek Paderborn

Historiae Ecclesiasticae Pars ...

HISTORIAE ECCLIESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De Ecclesiarum sub Seuero persequutione. Capvt. I.

urn:nbn:de:hbz:466:1-29861

1 P. 68
EVSEBII CO.
GNOMENTO PAMPHILI
EPISCOPI CAESAREAE PA-
lestinae, Ecclesiasticae historiae
Liber Sextus.

De Ecclesiarum sub Seuero persequitione.

CAPVT. I.



Ostquam Seuerus acerbam & grauem contra ecclesias persecutio[n]is tempestatem excitauerat, tametsi à Christi athletis viriliter pro pietate concertantibus, vbique penè gentium præclara martyrii & insignia certamina conficiebantur: ramen Alexandria multo maxima eorum frequentia & multitudine (ex Aegypto enim & vniuersa Thebaide egregij præ cæteris Christi pugiles delecti, eo tanquam ad maximum & celeberrimum stadium, in quo pro Dei amore strenuè decertarēt, amandabantur) omnino abundauit: qui quidem ob patientissimam tollentiam, quam in variis tormentorum ac mortis generibus ostendebant, coronis cælestibus, ex flosculis plane eximiis contextis à Deo benignè redimiti sunt. In quorum numero fuit Leonides, Origenis pater, qui capite tandem abscisso, filium tum admodum adolescētem post se orbum reliquit. Quād autem incredibili amore erga sacrarum literarum studium iste ab eūte ætate flagravit, paucis persequi non erit alienum: præsertim cum celebris eius nominis & famæ commemoratio adeo multis in ore versetur: Quod si quisquā omnia, quę ad eius vitā pertinent, copiose fuseq; explicare, eaque vacuo animo, cum otio abundet, literis prodere institueret, tractatio illa certe separatum quoddam opus postularet. Verum nos in præsentia longo & prolixo sermone amputato,
quoad

quoad fieri potest, breuissime de Origene differemus: atq; ea solum, quæ partim ex quibusdam illius epistolis, partim ex discipuloru ore ac sermone, quibus ad nostra usq; tempora vita suppeditauit, pro certo cognoscuntur, exponemus.

De Origenis ab ineunte ætate institutione.

CAP. II.

A quidem certe quæ ab ipsis, ut dicitur, propè incūnabilis ab Origene gesta sunt, videntur digna esse, quæ posteriorum memorie commendentur. Nam cū Seuerus iam decimum imperij sui annum ageret, & Letus Alexandriæ reliquæq; Aegypti præfecturā obtineret, & Demetrius nuper tū post Julianum ibidem ecclesiarum episcopatum adeptus fuisset, & persecutionis ardor quo tidie magis magisq; incéderetur, & ferè infiniti coronis decorarentur martyrij, tantus amor, tantaq; martyrij cupiditas animi Origenis, cum adhuc valde tenera esset ætate, occupauit, ut propè se vltro offerret periculis, & alacri ac propenso studio in certamē infiliret irrueretq;. Ac iam patum aberat, quin per martyrium vitam deseruisset, nisi mater, diuina quadam & cælesti prouidentia, (quæ illum ad maximam plurimorum vtilitatē seruabat incolumē) impulsa, enixe eius cupiditati ad necem adeo incitatè procurrenti obstitisset. Ipsa enim verbis primū supplex orabat, ut materni erga se amoris misericordiā caperet. Vbi autē eum, cum iam intelligeret patrem prehensum carcere custodiri, cupidius ad morte properantem animaduerteret (toto enim impetu, & omni animi conaturum ad martyrium ferebatur) omni eius vestitu clam ablato, & in interiores quosdā adiū recessus abdi to, domi eū manere necessariō coegit. Iste autem cum ardens illa præter ætatem ad martyriū propensio magis magisq; inflammaretur, adeo ut quiescere non posset, ad patrem, vbi aliud nihil agere liceret, literas, quibus illum ad martyrium impelleret, misit. In quibus eum his ferre vocibus adhortatus est. Obsirma te pater, martyrium fortiter sustine, ne aliud quicquam nostra causa molire. Istud igitur solertis Origenis à puero indolis, & verissimi erga pietatem amoris specimen, primum literis à